

UPRAVA DRUŠTVA**GENERALNA DIREKCIJA**

Broj: U.D.01.3.2.--5557/18
Sarajevo, 30.03.2018.godine

Na osnovu člana 45. Statuta „JP BH POŠTA“ d.o.o. Sarajevo, člana 70. stav (3) Zakona o javnim nabavkama i člana 14. stav (2) Pravilnika o javnim nabavkama "JP BH POŠTA" d.o.o., te prijedloga - preporuke Komisije za nabavku **izvođenja radova na zamjeni i ugradnji novog rashladnog postrojenja u dijelu objekta Obala**, broj: 07.4-13.73-2086-24/18 od 29.03.2018.godine Uprava Društva na svojoj 147.elektorskoj sjednici održanoj 30.03.2018.godine, d o n o s i:

O D L U K U
O IZBORU NAJPOVOLJNIJEG PONUĐAČA

I

U postupku javne nabavke izvođenja radova na zamjeni i ugradnji novog rashladnog postrojenja u dijelu objekta Obala ovom odlukom vrši se izbor najpovoljnijeg ponuđača: „**E+E+E ENERGY**“ d.o.o. Sarajevo, sa ukupnom vrijednošću ugovora od **79.140,00 KM bez uračunatog PDV-a odnosno 92.593,80 KM sa uračunatim PDV-om.**

II

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Izabrani ponuđač nije dužan dostaviti dokaze predviđene članom 45. Zakona o javnim nabavkama u formi i sadržaju kako je to zahtjevano obzirom da je uz ponudu i zahtjevano izjave istovremeno dostavio i tražene dokaze.

O B R A Z L O Ž E N J E

Na osnovu Odluke o pokretanju postupka javne nabavke U.D.01-3.2-3756/18 od 27.02.2018.godine Komisija je provela postupak javne nabavke, putem konkurentskog zahtjeva za dostavu ponuda u predmetu javne nabavke izvođenja radova na zamjeni i ugradnji novog rashladnog postrojenja u dijelu objekta Obala, sa objavljivanjem Obavještenja o nabavci, broj: 238-7-3-187-3-44/18 od 09.03.2018.godine na Portalu javnih nabavki. Istovremeno, ugovorni organ je omogućio neograničen i direktan pristup tenderskoj dokumentaciji putem Portala javnih nabavki, te se ista nije mogla preuzimati odnosno dostavljati na druge načine propisane Zakonom o javnim nabavkama.

Javno otvaranje ponuda u postupku predmetne nabavke je održano dana 27.03.2018.godine u 12:15h, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban zapisnik broj: 07.4-13.73-2086-22/18, koji je po završetku javnog otvaranja ponuda uručen predstavniku prisutnog ponuđača.

Komisija je prije samog otvaranja ponuda konstatovala sljedeće:

- da je ukupno 11 (jedanaest) potencijalnih ponuđača preuzelo tendersku dokumentaciju sa Portala javnih nabavki
- da je do roka za dostavljanje ponuda pristigla 1 (jedna) ponuda
- da je koverta neoštećena, uredno zapakovana i zapečaćena
- da je na kovertu stavljen redni broj prema kojem se utvrđuje redoslijed otvaranja i čitanja ponude, prema vremenu dostavljanja na Protokol

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći uvid u sadržaj i validnost dostavljene dokumentacije.

Na Protokol Društva do roka određenog za prijem ponuda (27.03.2018.godine do 12.00h), pristigla je ponuda slijedećeg ponuđača:



1. „E+E+E ENERGY“ d.o.o. Sarajevo, Hamdije Svrze broj 8, 71000 Sarajevo

Nakon izvršenog otvaranja ponude Komisija je pristupila analizi dokumentacije priložene uz ponudu u smislu provjere njene validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanju ponude, a u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, te konstatovala slijedeće:

1. Da je ponuđač „E+E+E ENERGY“ d.o.o. Sarajevo dostavio ponudu sa računskom greškom u Aneksu 3 ponude broj 50/2018 od 27.03.2018.godine, pa je u skladu sa Uputstvom za pripremu modela tenderske dokumentacije i ponuda („Službeni glasnik“, broj: 90/14 i 20/15), od Ponuđača pismenim putem dana 29.03.2018.godine zatraženo da istu ispravi, što je pravovremeno i učinjeno od strane istog dana 29.03.2018.godine.

U smislu toga, komisija je konstatovala da ponuda ponuđača „E+E+E ENERGY“ d.o.o. Sarajevo u iznosu od **79.140,00 KM bez uračunatog PDV-a**, u potpunosti ispunjava sve pravne, ekonomske i tehničke uslove utvrđene tenderskom dokumentacijom, te je ista ocijenjena kao formalno- pravno, ekonomski i tehnički prihvatljiva.

Na osnovu navedenog činjeničnog stanja, rang lista ponuđača koji su ispunili kvalifikacione uslove je slijedeća:

Red. broj	Naziv ponuđača	Ukupna cijena ponude bez PDV-a, (KM)
1	„E+E+E ENERGY“ d.o.o. Sarajevo	79.140,00 KM

Obzirom da ponuda ponuđača „E+E+E ENERGY“ d.o.o. Sarajevo u ukupnom iznosu od **79.140,00 KM bez uračunatog PDV-a** u potpunosti odgovara traženim tehničkim zahtjevima ugovornog organa, da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovorni organ, data je preporuka ugovornom organu da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA:

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama.


GENERALNI DIREKTOR
mr.sci. Mirsad Mujić

Dostaviti:

- Upravi Društva
- Centar pošta Sarajevo (Nosilac posla)
- Sektor za RIS
- Sektor za EKF poslove
- Služba Marketinga (za objavu)
- Odjeljenje za Javne nabavke
- a/a

